

# UČENIČKI PARLAMENT

U Srednjoj poljoprivrednoj školi je na početku ove školske godine formiran parlament učenika. Čine ga po dva predstavnika svih odjeljnja u školi. Škola baštini dugu tradiciju postojanja od 135 godina, a ja i moji vršnjaci – parlamentarci imamo čast i zadovoljstvo da budemo članovi Učeničkog parlamenta.

U početku smo mislili da je to samo formalnost. Medjutim, izbor kandidata za predstavnike u parlamentu, razgovori sa odjeljenjskim starješinama, prisustvo i topla dobrodošlica Direktora na prvom sastanku odmah su nas demantovali. Već prvi sastanak je obećavao. Inicirali smo postavku djačkog sandučeta, sproveli anketu na nivou škole o najomiljenijem nastavniku-ci u školi, prisustvovali sjednicama Nastavničkog vijeća, pokrenuli humanitarnu akciju „Osmijeh na dar „, razgovarali o nekim 'nezgodnim' pitanjima sa ginekologom koji je bio naš gost i planirali interesantne teme i akcije.

Poručujem svim srednjoškolcima da formiraju Učenički parlament i na taj način uzmu učešće u životu i radu škole koju pohađaju. U radu nam pomažu prof.sociologije Branka Čalasan i školski pedagog Milanka Okuka.

Na I konstitutivnoj sjednici propratili smo prezentaciju školskog pedagoga o sadržaju rada samog parlamenta i načinu na koji je poželjno da funkcioniše.



Učenički parlament JU Srednje poljoprivredne škole 2013/2014.g.



Koordinator Učeničkog parlamenta Branka Čalasan i članovi UP na trećoj sjednici

## Humanitarna akcija UP

Učenički parlament JU Srednje poljoprivredne škole tokom prethodne nedelje realizovao je humanitarnu akciju pod nazivom "Osmijeh na dar" svi po 1 evro,. U prikupljnju simboličnih novčanih sredstava učestvovali su učenici i nastavnici Škole. Posebno pohvaljujemo odjeljenja 4-1 Prehrambeni tehničar i odjeljenje 2-3 Nautički tehničar jer su svi učenici učestvovali u humanitarnoj akciji. U ostalim odjeljenjima odziv je bio nešto slabiji.

Učenički parlament je odlučio da prikupljena novčana sredstva podari učenicima sa posebnim obrazovnim potrebama u OŠ „Jugoslavija „ u Baru.

Nakon prikupljanja sredstava, predstavnici parlamenta su porazgovarali sa nastavnicama koji rade sa djecom sa posebnim obrazovnim potrebama u specijalnom odjeljenju u OŠ „Jugoslavija „ i kupovini neophodnih nastavnih sredstava za djecu i njihov rad.

Nakon kupovine i nabavke nastavnih sredstava i skromnih novogodišnjih poklona za djecu, 24.decembra 2013.g. predstavnici Učeničkog parlamenta: Irma Kuč, Nikola Mihojević i Vanja Popović, zajedno sa pedagogom škole su uručili poklone djeci i nastavnicama koje rade sa njima.

Oduševljeni smo toplom dobrodošlicom nastavnica Branke Dumić i Biljane Marković i osmijehom sa dječjih lica u specijalnom odjeljenju. Djeca su nam recitovala prelijepu stihove, a mi se vratili ispunjeni i još jednom shvatili da sitnice čine život ljepšim.



„Ljepše je poklanjati nego primati poklone,,



Članovi UP u specijalnom odjeljenju u OŠ „Jugoslavija,,





Vanja Popovic i Irma Kuč informišu Učenički parlament o humanitarnoj akciji